

Komunikadu Imprensa

08 Maiu 2013

Parlamentu Nasionál suspende definitivamente Francisco da Costa Soares Borlaco husi kargu Sekretariu Estadu Fortalesimentu Institusionál

Iha 07 Maiu 2013, Plenária Parlamentu Nasionál hala'o diskusaun no votasaun ba Projeitu Rezolusaun Parlamentu Nasionál Nú. 7/III (1^a) kona-ba suspensaun definitivamente ba Francisco da Costa Soares Borlaco, nu'udar Sekretariu Estadu Fortalesimentu Institusionál. Suspensaun ne'e aprova bazeia ba pedidu husi Tribunál Distrital Dili, relasiona ho akuzasaun kontra Francisco da Costa Soares Borlaco, ba kazu abuzu poder ne'ebé akontese iha 29 Feveireiru 2009.

Iha diskusaun ne'e maioria membru deputadu sira vota afavor hodi suspende definitivu membru governu ne'e hodi tuir prosesu julgamentu hosi inisiu iha 28 Maiu 2013 too prosesu ne'e remata iha tribunál. Rezolusaun ne'e passa ho votu Afavor 55, Kontra 3 no Abstensaun 2.

“JSMP kongratula vontade política no konsistensia atu kumpri sira nia obrigasaun tuir ordem konstituisaun. Ne'e pasu no desizaun polítiku ida ne'ebé progresivu teb-tebes depois tinan ida liu ba kotuk ne'ebé hamosu konfuzaan boot iha públiku relasiona ho kazu sira ne'ebé involve membru governu.” dehan Diretór Ezekutivu JSMP, Luis de Oliveira Sampaio.

JSMP observa katak entre deputadu sira, antes diskusaun fó sira nia votu no rekomenda ba Meza Parlamentu atu haree kona-ba prosedimentu ba suspensaun definitivu ka temporariu ba membru governu ne'e hosi nia kargu atu la-bele fó influensia no prezudika juis sira nia servisu ba kazu refere.

Atu hetan informasaun kompletu bele kontaktu direktamente:

Luis de Oliveira Sampaio

Diretór ezekutivu JSMP

Diresaun e-mail: luis@jsmp.minihub.org

Telephone : 3323883/77295795

www.jsmp.tl